



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 1176. Usque Ad Annum 1203

Fleury, Claude

August. Vind. [u.a.], 1763

VD18 90118022

§. 39. Scandalum in Abbatia Grestaniensi exortum.

[urn:nbn:de:hbz:466:1-66394](#)

Sæcul. XII. mām profecti, eum coram Lucio Papa
A.C. 1182. accusarunt, quod bona Ecclesiæ suæ di-
lapidasset, obtinueruntque, ut in hac
causa Episcopus Abrincensis, Abbas Bec-
censis, & Abbas Seviniacensis Judices
constituerentur. Arnulphus vero, cui
suspecti erant, querelis ad Papam con-
tra sententiam delatis, effecit, ut nulla
declararetur. Quod ex Epistola ex se-
cessu suo ad Pontificem data videmus.
In Abbatia S. Victoris ut privatum Ca-
nonicum se gessit, ibidemque sancto fi-
ne quievit.

§. XXXIX.

*Scandalum in Abbatia Grestanensi
exortum.*

Non nullos Arnulphi Sermones, epi-
stolasque habemus, quas inter oc-
currit aliqua, ad Alexandrum III. data,
attentione digna. Abbatiam Grestanien-
sem, in Dioecesi Lexoviensi positam, illa
tempestate Guilielmus Exoniensis, Ab-
bas ibidem numero quartus regebat; qui
speciem obtendens, quod bona Mona-
sterii sui, in Anglia sita, curaret, tantum
non toto anno in illo Regno, Actiones
in Judicio prosequens, ceterumque ge-
nio indulgens, versabatur, nec ab Epi-
scopo officii sui admonitus acquiescebat.
ep. p. 53. 97. Interim vero effrenata licentia in ejus
Mona-

Monasterio Disciplinam Regularem ex-Sæcul. XII.
pulerat. Intus nulla Regulæ reveren- A.C. 1182.
tia, foris nec pauperes nec hospites ex-
cipiebantur. Monachi invicem vapu-
labant, & rixantes pugionibus se se vul-
nerabant. In vulgus sparserant, esse a-
pud eorum monasterium prodigiosa
virtutis aquam, in quam si ægrotus se-
pties immergeretur, sanitatem recipe-
ret; ac quædam mulier, hujus aquæ vim
expertura, inter monachorum manus
extincta est.

Monachorum aliquis coquum occi-
dit, quod conquereretur, ipsum ad uxo-
rem suam frequentissime invisere. Tan-
dem cum monasterii œconomus, cui Ab-
bas curam domus se absente commis-
serat, se se ad cœnam ingurgitasset, cra-
pulæ vaporibus accensus, in Refectorio
duos monachos cultro feriit, atque illi
protinus impacto fuste temulentum e vi-
ta exturbarunt.

Ergo Arnulphus Episcopus, data ad
Alexandrum Papam Epistola, rogavit;
tantis malis mederetur, & monachos
pessimos singulos in alia monasteria, quæ
Disciplina Regularis commendaret, spar-
geret, ac ut facilius in Domum Gresta-
niensem novos incolas induceret, Cano-
nici Regulares advocarentur. *Quippe,*
ajebat, *in bac provincia multa celeberrima monasteria numeramus, sed paucas*
Hist. Eccles. Tom. XVIII. I Abba-

Sæcul. XII. *Abbatias Canonicorum, quæ paupertate
A. C. 1182. premuntur; unde fit, quod populares
noſtri, Canonicorum Institutum ample-
cti cupientes, plerique ad provincias ex-*

Neuſtria pia teras migrare cogantur. Nihilominus

p. 533.

Rob. de

Mont. vulg.

an. 1185.

Papæ non est visum, Grestaniensem Ab-
batiam alteri virorum Religiosorum Or-
dini tradendam esse; sed Archiepiscopus
Rotomagensis, cui Guilielmus Abbas
carus erat, eum Pontesiam ad Abbatiam
S. Martini anno millesimo centesimo o-
ctogesimo quinto transtulit. Monaste-
rium vero Grestaniense sub Regula
S. Benedicti usque in hanc diem per-
mansit.

*C. Extrav.
de Relig.*

Ceterum œconomus Grestaniensis,
a monachis maſtatus, videtur esse ma-
teria cujusdam Decreti, ab Alexandro
Papa editi, in hunc modum: *Ad nos
delatum est, quod aliqui ex vobis ho-
minem in ebrietate imperfectum colant,
licet Ecclesia vix Fidelibus concedat,
Deum precari pro hominibus oppressis,
antequam crapulam exbalaverint. Di-
cit enim Apostolus: ebriosi Regnum
Dei non possidebunt. Denique, et si de-
functus iste miracula patraret, eum ta-
men tanquam sanctum venerari abs-
que Ecclesiæ Romanæ auctoritate non
liceret.*

§. XL.